

دائرة مخصوصه

درسعادتده باب عالی جوارانده

محل اداره :

مشارع القيم

اخطار :

مسلكمزه موافق آثار جديده مع المنوئيه قبول اولنور

درج ابدلهين آثار اعاده اولنور

دينه، فلسفه، علوم، حقوق، ادبياتده و سياستده و بالخاصه كرك سياسي و كرك اجتماعي و مدني احوال و مشوره اسلاميه و ده بحث ايدر و هفته ده بر نشر اولنور.

آبونه بدلي

سنه لكي التي آيلني

ممالك عثمانيه ايجون	۸۰	۴۰	غروش
روسيه	»	۶۰۰	۳۰۰ روبله
سائر ممالك اجنبيه	»	۱۷	۹ فرائق

صاحب و مؤسسلري :

ابوالعلا زين العابدين - ح . اشرف اديب

تاريخ تأسيسي

۱۰ تموز ۳۲۴

درسعادتده نسخه سي ۵۰ پاردر

قيرله دن مقوا بورو ايله كوندريليرسه سنوي ۲۰ غروش فضله آلير

عدد : ۶۴

۱۱ ذى القعدة ۳۲۷ پنجشنبه ۱۲ تشرين ثاني ۳۲۵

اوجنچي جلد

عالمده اظهار صورتيله ، اثبات ايتدی . مع هذا همتات متوالیه عاليجنابانه لری بالجله اصحاب حیمه بردرس عبرت ویردیکی کبی اخلافده شایان امثال مآثر قدسیت نصاب ترك ایتمشدر . بناءً علیه هر کون برر صورته تجلی و اظهار ایدن فداکارلرکز بتون مسلمانلری - بتخصیص روسیه مسلمانلری - نام ذیشانکزی هر دقیقه لسان شکرانه تذکاره مدیون قیلمشدر .

حقیقت ۱. . . یاقین وقتله کلنجهیه قدر جهالت ، قوری برتعصب ایچنده بوغولان ، شهراه ترقی وکالاته دوغری خطوه انداز تهالک اولمقدن بالکلیه بیکانه بولنان روسیه مسلمانلری ملیتپرورانه نشریاتکزه ارشادات خبرخواهانه کز سایه سنده چشم انتباهنی آچدی ؛ حقوق منصوبه لری استرداده ، موجودیتلری محافظهیه ، « ملت محکومه » بولتیقه سی آلتیدن صیرلغه باشلادیلر . جناب حق ، حق و حقیقتک ظهیر ومدافعیدر . بر مات ویا برکیمسه که حق و حقیقتک پشیندن قوشار واکا بتون موجودیتله ربط قلب ایتدرسه ؛ او کیمسه لک بتون مساعیلرنده ، تشبثاتنده توفیق الهینک هر دم تجلی ایده جکی وتأمین موفقیتکده قطعی اولدینی شهه دن آزاده در . بناءً علیه ترقی ملت امر مهمنده مصروف بونجه سعی واجتهادک ، تعمیم معارف خصوصنده کی اهتماملرک ثمره مشکوره سی - آز برزمانده - اقتطاف ایدلدی ؛ احتیاجات زمانیهی اقتحامه کافی مکتبلر ، مکمل مدرسه لر مسلمانلرک خدال حیانه آروپا اقوام مدنیه سندن دون بولندینی بالفعل اثبات ایتک اوزره « ترقیات اسلام » جمعیتلری تشکل ایتدی . بولندیلری احوال سفالت اشتالی - بتون مهالکلیه - تقدیر وتیقن ایدن اکا برامت دهاشمدیدن اولاد مملکتک مکتبلرده حقیقه ، لایقیه استفاده ایددیلملری تأمین ایچون - مقتدر معلملر تدارک مقصدیه - استانبوله طلبه اعزام و آنلرک دوام ایدن مدت تحصیله لری اثناسنده معیشتلری ، کافه احتیاجاتی دوش حیمته آلق صورتیه ابراز قوت ایدیور . حاصلی مادی ومعنوی فداکارلقده بولنیور . مع التأسف شورا جقده وارد خاطر م اولان آجی بر حقیقتی انظار دقتکزه وضع ایتک مجبوریتنی حس ایدیورم :

آلوده خواب غفلت اولان روسیه مسلمانلری ایقاز ایتک مقصد عالپسندانسیله میدان مجاهدهیه آتیلان فداکاران ملتک ساحه فعلیتی ماوراءالنهرک اوتیه طرفلری احتوا ایتدی ؛ ترکستان روسیه ، قزغانده یدی ، سکز میلیون نفوسلی قوجه برامت محمد ابدیاً محکوم ذلت اواق اوزره ترك ایدلدی ، ذسی براقیلدی . اوت ، او بیوک ترك یتاغنده معنای حقیقیسیله مکتب یوق ، معارف یوق ... جهالت بتون مصائبیه مملکتی استیلا ایتش ، اوقطه وسیع - تعبیر مخصوصیه - قدیمجیلرک رواجک شیطنتی اولش ... بوکون او مسلمانلرک افق اقباللری قرازان مظلم بلوطلری ، اشعه فیض نثاریه کائناتی مستبید ایدن خورشید درخشان معرفله پیرایه دار کوره بیلک ایچون بیوک فداکارلقره ، فعال دماغلره ، یورولماز وجودلره احتیاج ، همده اشد احتیاج واردر . بن بومسئله نک حلی « ترقیات اسلام جمعیتلری »

آزابه لری ایله جامع شریفه مواصالت ایدلدی . بو جامعلر بزم جامعلر کبی اولوب بالکلیه منبرلری ومناره لری یوکسک دکلدو . مناره لرینک شرقه لری یوقدر . منبرلری نهایت اوج باصفاق اولوب خطیب بونک اوزرنده خطبه یی قرائت ایدر . خطیبک الله بر عصا وباشنده برتول اولدینی حالده منبره چیقاراق اولای عربی العبازه خطبه یی قرائت ایدر و ثانیاً هند لسانی اوزره ترجمه ایدر ایدی . نهایت صلاوة جمعه یی بعدالادا طیشاری یه چیقلدقده بیکلرجه اهالی مسلمة الارمزه صاریله رق مصافحه ایتدیلر .

قریمده منتشر « ترجمان » جریده سی صاحبی

اسماعیل غصبرنسکی بکه

ای سر فراز امت !

مفکره می ، بتون موجوداتی اشغال ایدن تحسیناتی - قدرت قلمیه مک مفهودیتی اعتراف ایتکله برابر - نظرگاه فضائپروریلرینه ، دوکک آرزوی شدیدیه خامهران اولیورم . برمسلمان وقاروحیثیتیه خطاب ایدن بو عاجزک ، هنوز کوچک یاشنده ایکن آشیانه مادری بلاد فرغانک تا اوتلرنده ، (اوسن) شهرنده ترك ایدره ک شو مقر خلافت وسلطنتک آغوش تعلیم و تربیه سینه آتیلان بو عاجزک ، تا اعماق قلبندن قوپوب کلن سوزلری قبول ایدیکز . . .

ای وجود محترم . . . بوکون اسلامیه ، ملت مغدوره اسلامیه یه اتحاد ایده کلدیککز خدمات خدا پسندانه ، موفقیات تجدید پرورانه لرینک مکافات مغنویه سنی (خیرالناس من ینفع الناس) سرینه مظهریتله اقتطاف ایتش بولنیورسکز . اوت ، مسلمانلرک هر کون ، هر دقیقه قلوب سختی آغلاتان احوال پرملالرینه نهایت ویرمک ، او بیچاره لری دوشدکری دریای مذلتدن قورتارمق ، منهاج مکملیه ایصال ایتک نیات خالصانه سیله میدان مجاهده ملیه آتدیکز . آیلرجه ، سنه لرجه ، نقداً ، بدناً ، فکر آچالشمقدن کیری طورمدیکز . دین مین اسلامی آروپا لیلر نرزدنده - حاشا ! - برطاقم نقائصله اتهام ایتدیرمک ایسته یین ومنفعت شخصیه سنی مضرت عامه ده آرایان خائنلرله چاریشدیکز . توفیق الهینک تجلیاتیه مظفر ایدیکز . حاصلی حزنی ، المی کونلر کورمکه محکوم ملت اسلامیه نک بکای حزن انکیزی دست مددرسانکزه سیله رک او زوالیلره سور و سرورلی کونلر کوستردیکز ، که مجاهده ملیه یولنده اختیار ایتدیککز - و حقیقه تعداد ایچون جلدلر طولوسی یازیلر یازمق لازم کلن - فداکارلرله تاریخه ، اعصار قدیمه دنبری نیجه داهیلر ، اعظملر سلامت ملت اغورنده افقای وجود ایدن قهرمانلر یتشدیرن تاریخ اسلامه بر صحیفه برشان علاودسیله برشرف دیگر بخش ایتدیکز . اوت ، او فضیلت ، او سعیلردر که بوکون بتون مسلمانلرک موجودیتنه قناعت کامله سی ، اعتقاد تامی اولدینی حالده ؛ محضاً جهالت یوزندن سوء استعمال ایده کلدکری ایکی جوهر حیانتک مزایای انسانیه نک - که قوه تشبیه ، عزم اقدام - ماهیاتی ، انظار

ارکان محترمه سنك ، اكابر امتك قلوب حقیقه حواله ایدہ رم . هنوز زمان مساعد ، میدان مجاہدہ کنیشدر . . .
بك آفندی . . . بوسوزلرمدن سزى تنقیدہ قالمشوق جرأتكار لغندہ بولندیغمہ حمل اولمسون . . . یوق ، یوق بن سزك نام محترمکزی احترامکارانہ قارشولامقدن ، لسان ستایشلہ یاد ایتکدن باشقہ برشی یابہم . حدم دکل . . . سزك بو آنہ قدر « اسلامیت » نامنہ ایفا ایتدیکنز خدمات مبرورہ شایان تنقید اولمق شائبہ سندن کلیاً آزادہ در . ذاتاً مقصدم هیچ برکیمسہ پی تخطئه ایتك دکدر . اقصای آملز ، هدف مقصودمز ، « ترقی اسلام » . . شو ایکی کله دن عبارتدر .

حسبات ملتپروری بہ بر حد ، بر غایہ تصوری قابل اولہ مدینی کی بو اوصاف کنزینہ بردہ اقتدار فوق العادہ انضمام ایدنجہ آرتق بوزنایای علویہ انسانینک ساحۂ اجرا آتی تعین و تقدیر ایتك غیر ممکندر . بوجلی حقیقت عالم اسلامک حیات اجتماعیه لرندہ بر عکس تأثیر حصولہ کترین موفقیت اخیرہ کزلہ بر قاندها نمایان اولمشدر . « مسلمان قوتورہ سی » اووخ . . . ایشته برلشائہ فلاح ؛ بر بدیعہ امل . . . محیطندہ عظیم بر کتلہ اجتماعیه نک سعادت و سلامتی فروزان بر مجلس عالی اسلامی ، عالم اسلامی لایق اولدینی موقع معالیہ ایصال ایدہ جک بر محل مقدس . . .

انظار اسلامیانی - ردای غفلت و جهالتہ - اورتن سحابہ مظلمی پیرتارہق بدر لطافتیلہ عرض چہرہ ابتسام ایدن بو خبر نشاط آور بیتون خیر خواہان امنہ کنیش کنیش نفس آلدیردی . قبلرندہ آتی ایچون ، استقبال ایچون طاتلی امیدلرلہ مشحون بر امنیت تامہ تولید ایتدی . بالطبع بوقوتورہ نک اسباب تشکلی حقندہ بر فکر مخصوص ایدینہ بیان ہر مسلمان ، کنیدیلرینک ادامہ موجودیتلرینی کافل بومجلس عالینک ہیئت مؤسسہ سنہ قارشوی الی الابد برخس شکران ایلہ متجسس بولنور ، بو احتساستانی اظهار ایتکی دہ - کنیدیسی ایچون - بر مجبوریّت وجدانیہ ، بر فریضہ ذمت تلقی ایدر . بناء علیہ بوجرر عاجز ، او ہیئت کرامک سرفرازی ، دہا صحیح بر تعبیرلہ مؤتمر اسلامک مؤسسی اولان ذات والارینہ بوموفقیت عظمالرندن طولانی بیتون صفوت قلبیلہ ، صمیمیت روحیلہ تبریکاتی تقدیم وبوبوسیله حسنہ ایلہدہ عرض احترامات بی نہایہ ایلور . . .

« استانبول » محی الدیرہ بہرہ ماہی امین



فلسفہ حیاتیہ

یاخود

اثبات واجب

تسلط ادراکی اولان تعاملات سوق طبیعہ

افکار مخصوصہ غیر مؤثرہ یعنی شخص ذی حیات ایچون علاقہ سی اولیان موجودات و حادثات ایلہ حصولہ کلن افکار مخصوصہ تعامل ایقاع ایتز . بالعکس افکار مؤثرہ و مہیجہ شخصہ بر طاقم

تعاملات ایقاع ایلرکہ بونلر بعضاً غیر قابل مقاومت بر میل و یا سائق تأثیریلہ شخصک نہ اولدینی بیلمدیکی بر مقصد اوزرینہ - صورت منتظمہ دہ - اجرا اولنور یعنی شخص یایدینی بیلیر فقط ایچون یایدینی بیلمز . بوتعاملات ادراکیہ ترافق ایدن عنصر مؤثر - احتساستک عنصر مؤثرینک خوش و یا ناخوش اولدینہ کورہ - آرزوق ذوق بخشا و یا تلخ آور برحسبتلہ درک ایدیلور .

بر فکر مخصوص مہیج ایلہ ، بونی تعاقب ایدن تعاملدن تشکل ایدن ہیئت مجموعہ حرکاتہ (سوق طبیعی) دینلور .

افعال سوق طبیعیہ پی شخصک تغدیسینہ ، تدافعنہ ، تناسلنہ عائد اولدینہ کورہ اوج صنفہ تقسیم ایدہ جکر :

(۱) تغدی بہ عائد سوق طبیعی بہ مثال :

انسان و حیوانات عالیہ غذا و مشروبات آلمق ایچون بر احتیاج (آجلق ، صوسزلق) حس ایدرلر و کنیدیلرینہ لازم اولان مواد غذائیہ پی انتخاب ایتکی دہ بیلیرلر .

بوغدای انبویہ ہضمیہ لرینہ ادخال ایتك ایچون برارزو و میلانہ دوچار اولہرق احتیاجلرینک تسویہ ایدیلوب ایدلدیکنہ کورہ بر ذوق و یا مشقت حس ایدرلر . کنیدیسی دوشنوب بیلیمکسزین اطرافنی احاطہ ایدن بوقدر اجسام کثیرہ اراسندہ کنیدیسنہ لازم اولان موادی حاوی اغدیہ نک خواص و کیفیتنی بر صحت قطعیلہ ایلہ تقدیر ایدہ رک انتخاب ایتك ملکہ سنہ دقت بیورلسون! صوسز اولان بر کوپکہ کئول ، اثر ، غلیسرین ، صو . . . الخ کی بر طاقم براق مایع کوستریلیورده حیوان عضویتك محتاج اولدینی یالکز صودن بشقہ سنی ایچمیور . بوشایان حیرت تقدیر و انتخاب یالکز غذا و مشروباتنک کیفیتندہ دکدر ، مقدار و کیتندہدہ بوحال وارددر . صوصامش اولان کوپک عضویتك لازم اولان صویک مقدارندن نہ آزنہدہ جوق ایچر .

(۲) تدافعہ عائد سوق طبیعی ینہ دوشنوب بیلیمکسزین تہلکہ پی تقدیر ایلہ (دفع) ، (قورقو) ، (حدث) ، و (فرار) ایچون غیر قابل مقاومت بر میل) ، منع اولدینی تقدیردہ صوک نفسہ قدر (مجادلہ) صورتندہ تظاہر ایدر . طاوشانک و انسانک قورقوسی و بوبادہ کی حرکاتی کوز اوکونہ کتیریلیرسہ فضلہ مثال ایرادینہ حاجت قالماز .

(۳) تناسلہ عائد سوق طبیعی ایسہ عینی نوعدن فقط مختلف جنسدن اشخاصک بینلرندہ حصولہ کلن بر (جاذبہ) ایلہ ونوعک اک زیادہ کمال نامی جامع انمودجی (حسن) انتخاب ایدہ رک مقصدی بیلیمکسزین نسلنک دوام و محافظہ سی ایچون (اصطفا ی جنس) انتخاب ایتدیکی بوجودلہ برلشمک احتیاج وارزوسیله (محبت جنسیہ) ، واک نہایت غایت شدید برحس ذوق ایلہ ترافق ایدن افعال تناسلیہ نک اجر اسنہ سوق ایدن غیر قابل مقاومت بر میل ایلہ (شہوت) تجلی ایدر . شفقت پدرانہ و محبت مادرانہدہ بوسوق طبیعی تناسلہ داخلدر . ایشته سزہ بر مثال :

قوش بروقت معیندہ یووا یا بقم احتیاجنی حس ایدر و دوشونوب محاکمہ ایتیمکسزین بوایشہ یارایہ جق اولان موادی تفریق و تمیز ایدہ رک